

# Was braucht ma auf an Bauerndorf

www.franzdorfer.com



D A7 D

6 Wås braucht ma auf an Bau-ern-dorf, Wås braucht ma auf an Dorf? An am Pfar-rer, der schön  
singt, a Glock-n, die schön klingt, an Mes-ner, der gut läu-ten kánn, an  
11 Schul-moas-ter, an gscheit-n Mánn, dås braucht ma auf an  
14 Bau-ern-dorf, dås braucht ma auf an Dorf.

2. Wås braucht ma auf an Bauerndorf,  
Wås braucht ma auf an Dorf?  
An Schneider, der nix nimmt,  
an Boten, der báld kimmt,  
an Bauern, der sein Weib nit schlägt,  
a Weib, dås übern Mann nid klágt,  
dås braucht ma auf an Bauerndorf,  
dås braucht ma auf an Dorf.

3. Wås braucht ma auf an Bauerndorf,  
wås braucht ma auf an Dorf?  
An Wirt, der nit z'viel sauft,  
an Buam, der nit gern rauft,  
an Knecht, der nit aufs Gaßl geht,  
a Dirn, die nit zum Fenster steht,  
dås braucht ma auf an Bauerndorf,  
dås braucht ma auf an Dorf.

4. Wås braucht ma auf an Bauerndorf,  
Wås braucht ma auf an Dorf?  
An Becker, der oft bâcht  
Und d'Semmeln nit z kloan mácht,  
an Brauer, der schon fleißig rührt  
und schaut, daß s'Bier nit wassrig wird,  
dås braucht ma auf an Bauerndorf,  
dås braucht ma auf an Dorf.

5. Wås braucht ma auf an Bauerndorf,  
Wås braucht ma auf an Dorf?  
An Müllner, der nit stiehlt,  
an Fuhrmánn, der nit schilt,  
a Wirtin, die nit trutzig ist,  
an Kickriháhn auf jedn Mist,  
dås braucht ma auf an Bauerndorf,  
dås braucht ma auf an Dorf.